

香官使者左右龍虎君捧香使者三氣正神當令朝真之所自然降金丹玉芝之英百靈眾真交會在此香火案前令臣修道克合至真闔門受福天下蒙恩仙童玉女侍衛香烟傳奏所啟
徑御

至真帝前

燒香時勿反顧願則忤真氣致褻應又勿囂喧使至平明須了矣

太素真人隱朝禮願上仙法

受大洞上訣施行雌一讀太丹隱玄五晨金華經者常月密朝太素三元君以正月十日二月九日三月八日四月七日五月六日六月五日七月四日八月三日九月二日十月十一日十一月十二日十二月十三日夜於寢靜之室燒香北向心存三

道藏輯要

雲笈七籤
九

七

井集二

君再拜訖坐卧任意稽首心祝曰

謹啟太上大道高虛玉晨太素紫宮三元帝君中央黃老元英白元玉皇大帝五老高真太極皇精玄皇玉君某是大洞三景弟子謹以吉日之夜天關九開之間上聞太上太素三元玉皇真君前乞得長生世上壽無億年時乘黃晨緣蓋龍轅上詣紫庭役使萬神侍衛四明太素帝君畢常當行之勿令人知也此太極真人隱朝三元夜禮願之道昔常安季仲子不知他道又亦不施行太丹之事三元之法唯偶得此隱朝之道按行之三十年得乘雲鶴歛昇入玄洲仙人王履冰趙雙成范叔平管平阿李明延安生之輩皆得此道而昇崑崙之房或在神洲或在

三玄宮也

朝極

旨曰月用一日

一年有四日不同常步日及上生日不同者及同者並依常法竟各依時王朝若甲子日八節

日與四時同者亦止一步而為二朝以王星為旨曰春正月一始若欲各步各朝以午時朝極子時朝中元

二十日三月步綱畢正身入斗魁中東向視歲星象在肝中步

仍於彌上左迴身左足先下入魁中對天樞下陰精弼星之間東向右足併立閉氣臨目存歲星精象圓如珠青光照洞從天來下飛入我口小開口受而吞之逕在肝中各依本色及所生

之藏再拜好安處兩足拜跪勿令犯諸星綱跪心祝曰

太歲元神木公九元陽華玄氣盡來入身祝畢叩齒九通畢起

登天樞而出若值六甲日仍左行步三台旨曰夏四月八日五非六甲日左行詣五星綱口餘四朝倣此

道藏輯要雲笈七籤 九 彙 井集二

十八 正身入斗魁中南視熒惑星象在心申再拜跪心祝曰

南上元神火陽四光伸離丹水來入丹房祝畢叩齒九通畢起

旨曰秋七月七日八月三日正身入斗魁中西向視太白星象在

肺中再拜跪心祝曰

西上太玄金精七通玉元二帝氣迴胎腦祝畢叩齒九通畢起

旨曰冬十月五日十一月三日十二月六日正身入斗魁中北向視辰星象在腎

中十月十一月在左再拜跪心祝曰

北玄紫辰金車水元龍胎化靈來入一身祝畢叩齒九通畢起

子日八節日正身入斗魁中弼星後入向真人星存鎮星象在

脾中再拜跪心祝曰